

Ժողովուրդ

123
(2789)

5 սեպտեմբերի երեքշաբթի 2023
տպագրության ԺԲ տարի

Է. Երեւան, Արմավյան 22ա/3 (0010) + 374 10 546423 info.armlur@gmail.com, info.zhoghovurd@gmail.com

100 դրամ

ԽԱՅՏԱՌԱՆԿ ԻՐԱՎԻՃԱՆԿ ՎԻՋԱ ՄՏԱՆԱԼՈՒ ԸԵՐԹԵՐ ԵՆ ԳՈՅԱՑԵԼ



«Ժողովուրդ» օրաթերթը օրեր առաջ հրապարակել էր հոդված՝ վիզա ստանալու հերթերի առաջացրած անհարմարությունների մասին: Մասնավորապես, շատ քաղաքացիներ, որոնք ցանկանում են ամենատարբեր նպատակներով մեկնել Հայաստանից, բախվում են վիզա ստանալու հերթերի և արժանապատվությունը նսեմացնող երեւոյթների: Թե ինչեր են կատարվում վիզա կենտրոնների այս անսկիզբ ու անվերջ հերթերի հետևում, «Ժողովուրդ» օրաթերթն արդեն գրել է, սակայն ինչ է անում ՀՀ արտաքին գործերի նախարարությունը իր քաղաքացիների իրավունքներն ու արժանապատվությունը պաշտպանելու համար, դեռ բացահայտված չէ: «Ժողովուրդ» օրաթերթը հարցում ուղարկեց ՀՀ ԱԳՆ՝ ճշտելու, թե 4-5 ամիս «անշարժ» մնացող հերթերում սպասող քաղաքացիների խնդիրների լուծման, մասնավորապես՝ վիզաների տրամադրման գործընթացը հեշտացնելու և արժանապատիվ լուծում տալու համար ինչ գործուն քայլեր է անում ԱԳՆ-ը: Հարցմանն ի պատասխան՝ մեզ Արտաքին գործերի նախարարությունից տեղեկացրին, որ օտարերկրյա պետությունների կողմից մուտքի վիզաների տրամադրումը հանդիսանում է «Հյուպատոսական կապերի մասին Վիեննայի կոնվենցիայի» 5-րդ հոդվածով սահմանված հիմնական գործառնություններից մեկը, որն իրականացնելիս դեսպանություններն առաջնորդվում են իրենց երկրների օրենսդրությամբ, և որեւէ երկրի արտաքին գերատեսչություն իրավասու չէ միջամտելու այդ գործընթացին և անմիջական վերահսկողություն իրականացնելու լծակներ չունի:

«Այնուամենայնիվ, ՀՀ արտաքին գործերի նախարարությունը ցանկացած պատեհ առիթով բարձրացնում է խնդրո առարկա թեման, որը հիմնականում վերաբերում է եվրոպական երկրների՝ մուտքի վիզաների տրամադրման ծառայությանը (այցելության օր ամրագրելը)՝ քաղաքացիներին առավել մատչելի, այսինքն՝ խելամուտ ժամկետում հասանելի դարձնելու համատեքստում: Վերոնշյալ հարցը բազմիցս քննարկվել է թե՛ ԵՄ կողմից, թե՛ ԵՄ անդամ երկրների ներկայացուցիչների հետ, այդ թվում՝ ս.թ. մարտի 23-ին ՀՀ ԱԳ նախարարի տեղակալ Պարույր Դովինյանի և Հայաստանում հավատարմագրված դիվանագիտական ներկայացուցչությունների և ՀՀ գերատեսչությունների գործընկերների հետ համատեղ հանդիպման ընթացքում: Ըստ նախարարության դիտարկումների և դեսպանությունների կողմից ներկայացվող հիմնավորումների, որոնք հիմնականում հաստատվում են պաշտոնական վիճակագրության տվյալներով, խնդիրները հիմնականում ծագում են ոչ թե մուտքի վիզա ստանալիս ընթացակարգերի, այլ ժամադրության օր ամրագրելու քայլում, որը, հետքովիդային ժամանակաշրջանից սկսած (2022թ. գարուն-ամառ), էապես վատթարացել է դիմորդների կտրուկ աճի պատճառով: Համաձայն պաշտոնական վիճակագրության՝ նախորդ համադրելի տարիների (2018, 2019) համեմատ՝ մի շարք եվրոպական երկրների կողմից շենգենյան մուտքի վիզա տրամադրելու դիմումների քանակն աճել է 40-50 է ավելի տոկոսով, որին ոչ բոլոր դեսպանություններն են պատրաստ եղել իրենց կարողություններով և մարդկային ռեսուրսներով: Որոշ դեսպանությունների հաջողվել է ժամադրությունների ընթացակարգը բարելավել, որոշներին՝ ոչ այնքան: Հատկանշական է, որ ԵՄ անդամ երկրների դեսպանությունների աշխատակիցների համար հարցը նույնպես մեծազույն մտահոգության առարկա է: Միևնույն ժամանակ ԵՄ անդամ երկրների ներկայացուցիչները պատրաստակամություն են հայտնել ջանքեր գործադրելու վերոնշյալ պայմանների բարելավման ուղղությամբ: ՀՀ արտաքին գործերի նախարարությունը շարունակում է ուշադրության կենտրոնում պահել խնդրո առարկա թեման և իր իրավասությունների շրջանակներում շարունակելու է հետետղական լինել վիզաների տրամադրման գործընթացների բարելավման ուղղությամբ իրականացվող աշխատանքներում:»

Այս երկարաշունչ պատասխանը ենթադրում է՝ դեսպանատների առջև ամբողջի նմանվող հերթերի, դրանց վերահսկողության ու կարգավորման հարցում ՀՀ ԱԳՆ-ը, մեծ հաշվով, իրավասություն չունի: Միջազգային օրենսդրությունն է գործում: Հետաքրքիր է՝ ինչու այդ դեպքում Հայաստանում էլ չի գործում ՀՀ օրենսդրությունը նույն ուժգնությամբ եվրոպացիների նկատմամբ՝ բալանսավորելու իրավիճակը: Այնուհետ է, որ վիզա ստանալու համար ՀՀ քաղաքացին բազմակի անգամ նվաստանում է օտարերկրյա դեսպանություններում, և Նիկոլ Փաշինյանի իշխանությունն անկարող է լուծել այդ նվաստացման հարցը: Սա ազգային արժանապատվության հարց է:

Անձնագրի վավերացում/Ելքի վիզա

«ՎՄՄ» մուտքի վիզայի տրամադրում/երկարաձգում

Հայաստանի գործադիր մարմնում ավագանու ընտրություններից հետո պաշտոնակազմի փոփոխություններ են սպասվում: «Ժողովուրդ» օրաթերթի տեղեկություններով՝ առաջիկայում նախատեսվում են մի քանի «կարկառուն» նախարարների հրաժարականները: Ըստ ՔՊ ներսում շրջանառվող տեղեկությունների՝ հրաժարական են ներկայացնելու ՏԿԵ նախարար Գնել Սանոսյանը, արդարադատության նախարար Գրիգոր Մինասյանը և շրջակա միջավայրի նախարար Հակոբ Սիմոնյանը: Մեր տեղեկություններով՝ իշխող քաղաքական թիմի ներսում մի քանի թեկնածուների անուններ են շրջանառվում, բայց՝ ընդամենը խոսակցությունների մակարդակով: Վերջնական որոշումը կկայացվի ավագանու ընտրություններից հետո: Իշխանական մեր աղբյուրների փոխանցմամբ՝ Գնել Սանոսյանին փոխարինելու է Սյունիքի մարզպետ Ռոբերտ Ղուկասյանը, Սյունիքի մարզպետի պաշտոնը բաժին կհասնի ՔՊ-ական սյունեցի պատգամավոր Կարեն Համբարձումյանին, որը երկար ժամանակ կատաղի պայքար էր տալիս այդ պաշտոնի համար: Իշխող թիմն այս պահի դրությամբ Հակոբ Սիմոնյանին և Գրիգոր Մինասյանին փոխարինող դեռ չունի, բայց մինչ ընտրություն այս հարցն էլ կլուծեն: Ինչ վերաբերում է Գնել Սանոսյանին, ապա, մեր տեղեկություններով, Նիկոլ Փաշինյանը նրա և Ըմբեկ Փամբուխյանի համար նոր «յուրոտ» պաշտոն է մտածել քաղաքապետարանում: Նախատեսվում է, որ ավագանու ընտրություններից հետո նրանք պետք է զբաղեցնեն քաղաքապետի տեղակալների պաշտոնները: Սրանք այս պահին իշխանության ներսում եղած տրամադրություններն են, իսկ թե ինչով կավարտվեն գործընթացները և հետագա զարգացումները, ցույց կտա ժամանակը: Մենք առաջիկայում կհայտնենք:



Արցախում նախագահի նոր թեկնածուի մասով ակտիվ քննարկումներ են սկսվել: «Ժողովուրդ» օրաթերթի տեղեկություններով՝ Արցախի խորհրդարանական խմբակցությունները այս օրերին պարբերաբար հանդիպումներ են ունենում, փորձում են կոնսենսուսային թեկնածու գտնել, բայց դեռ չի հաջողվում այս հարցում համաձայնության գալ: Երբեք անուններ են շրջանառվում, այդ թվում՝ ԱԺ նորանշանակ խոսնակ Դավիթ Իշխանյանին և պետնախարար Սամվել Շահրամանյանին, բայց դեռ վերջնական թեկնածու չունեն: Ինչպես Արցախի մեր աղբյուրներն են փոխանցում, խորհրդարանական խմբակցությունները հակված են մեկ միասնական թեկնածու գտնել, որպեսզի նոր նախագահի ընտրության հարցն արագ լուծվի, բայց եթե համաձայնության չգան, չի բացառվում, որ խմբակցություններից յուրաքանչյուրն իր թեկնածուին առաջադրի: Նոր նախագահի ընտրության հարցով ԱԺ նիստը պետք է տեղի ունենա այս ուրբաթ՝ սեպտեմբերի 8-ին: Սա նշանակում է, որ պատգամավորները քիչ ժամանակ ունեն որոշում կայացնելու համար: Հավելենք, որ, ըստ ԱՀ Սահմանադրության, նախագահը խորհրդարանում ընտրվում է պատգամավորների 2/3 ձայներով: Առաջին փուլով նախագահի չունենալու դեպքում ամենաշատ ձայնը հավաքած երկու թեկնածուները կանցնեն երկրորդ փուլ: Այս դեպքում արդեն ընտրությունն արվում է ձայների պարզ մեծամասնությամբ: Հիշենք, որ Սամվել Շահրամանյանը երկար ժամանակ պաշտոններ է զբաղեցրել Արցախում, համարվում է նախկին նախագահ Բակո Սահակյանի հավատարիմ կադրերից մեկը: Բակո Սահակյանը կարողացավ իր հեղինակության շնորհիվ իրավիճակը վերցնել իր ձեռքը ու այնպես անել, որ Արայիկ Հարությունյանը հրաժարական ներկայացրի:



Թիմային աշխատանքից խոսող Հայկ Մարությանի (որը լքեց Նիկոլ Փաշինյանի թիմը) ներկայիս թիմից մինչև ընտրություններ, կարծես թե, թիմ չի մա: Մեզ հասած տեղեկությունների համաձայն՝ իրար հետ քաղաքական որեւէ կապ չունեցող նախկին քաղաքապետի թիմում արդեն սկսվել է սեւերի և սպիտակների բաժանման գործընթացը: Մարությանը անթաքույց ցույց է տալիս, որ ունի իր սիրելիները և առանձնապես չի էլ ցանկանում քարոզարշավին տեսնել «Ազգային առաջընթաց» կուսակցությունից իրեն մինչ այս պահը անհայտ սեփական թիմի թեկնածուներին: Աղբյուրի փոխանցմամբ՝ հենց այս կռվախնձորն է եղել պատճառը, որ քարոզարշավը մոտ 6 օր ուշ սկսվեց: Դեռ չծեւավորված թիմը, կարծես թե, սկսում է ճաքեր տալ: Հիմա անկոնսենսուսային անցնենք փաստերի: ԿԸՀ կայքից տեղեկանում ենք, որ պայքարի սկզբնամասում Հայկ Մարությանի թիմից, սեփական դիմումի համաձայն, հեռացել են ավագանու երկու թեկնածուներ՝ Ավետիսյան Էլինա և Հակոբյան Ժիրայրը: Ինչու՞ հրապարակավ չեն ասում:



ԱՐՑԱԽ

ՆԱԽԱԳԱՐԻ ԽՈՐՀՐԴԱԿԱՆԸ՝ ԻՐԱՎԻՃԱԿԻ ՄԱՍԻՆ

Սեպտեմբերի 4-ից Ստեփանակերտում հացի վաճառքը կիրականացվի կտրուներով: Մեկ կտրուկի դիմաց յուրաքանչյուր քաղաքացի կստանա ընդամենը կես կտրուկ հաց:

«Ժողովուրդ» օրաթերթի հետ զրույցում Արցախի Հանրապետության Նախագահի խորհրդական Լուսինե Ղարախանյանը պատմեց, որ դպրոցներ են փակվել, որպեսզի այնտեղ կտրուկներ բաժանեն մարդկանց:

-Ոչինչ չի փոխվել, ամեն ինչ նույնն է: Աղ չկա, այլուր չկա, հաց չկա... Մի քանի դպրոց փակվել են, որպեսզի հացի կտրուկներ բաժանվեն:

Այժմ կտրուկային համակարգ է ներդրվում եգիպտացորենի այլուրի համար, հիմնականում Ստեփանակերտում փակվել են մի քանի դպրոցներ, որպեսզի մարդիկ գան, դպրոցներից կտրուկներ ստանան:

-Իսկ նախագահի հրաժարականից հետո այդտեղ ինչ-որ բան փոխվել է:

-Հիմա կարող եմ մի բանով ասել՝ լուրջություն է:

-Ո՞ր է այս պահին Արախի Հանրություն-յանի պարտականությունները կատարում:

-Ինքը դեռևս շենքում է, դեռ նստած է:

-Ազգային ժողովն արդեն ընդունել է իր հրաժարականը. Դուք տեղեկություններ ունե՞ք, թե ով կարող է լինել հաջորդ նախագահը եւ երբ:

-Ճիշտն ասած՝ ոչ, տեղյակ չեմ:

-Մարդկանց տրամադրվածությունն ինչպիսի՞ն է:



-Մարդիկ ընկճախտի մեջ են, շատ ծանր վիճակ է, տառապալից ապրումների մեջ է Արցախի ժողովուրդը: Սա առավել վատ ձեռով արտահայտվում է հատկապես երեխաների մոտ, որովհետև քաղցրավենիքը, շաքարավազը լրիվ վերջացել է, եւ բառի ուղիղ իմաստով չկա ուտելիք, որ ուտեն, գնան դպրոց: Ճաշ կա, նախաճաշ՝ ոչ:

-Կտրուկների տրամադրման գործընթացն արդեն սկսվա՞ծ է:

-Այո, բայց դրանք ցամաք հացերի կտրուկներ են, այսինքն՝ շաքարավազ, ձեթ չունենք, չունենք հիգիենայի պարագաներ եւ այլն: Այն էլ խոսքը կես հացի մասին է, նույնիսկ մեկ ամբողջական հաց մենք չենք կարող մեզ թույլ տալ:

-Իսկ այն երիտասարդներից, որոնք Հակարիի կամրջի մոտից առեւանգվել

են, որեւէ նորություն կա՞, ինչ-որ փոփոխություն կա՞ այդ մասով:

-Դեռեւս ոչ, սակայն մինչ այժմ եղած՝ իմ իմացած տեղեկությունների վրա հիմնվելով՝ որեւէ փոփոխություն չկա: Նույն պատկերն է, ինչը որ կար:

-Բայց, ամեն դեպքում, նրանց վերադարձնելու գործով բանակցություններ ընթանո՞ւմ են:

-Ամեն դեպքում, այն, ինչ կար, դեռեւս ուժի մեջ է: Խոսքը նրանց Հայաստան արտաքսելու մասին լուրերին է վերաբերում: Նոր տեղեկությունների դեռեւս չեմ տիրապետում:

-Այլ կապի միջոցով նրանց հետ խոսել չի՞ հաջողվել:

-Ցավոք, ոչ: **Ջրուցեց ԶՐԻՍՏԻՆԱ ՍՈՒՇԵՐՅԱՆԸ**

ՀՐԱՎԻՐԵԼ ԵՆ՝ ՀԱՐՑԱՔՆՆԵԼՈՒ

ՀՐԱՎԻՐԵԼ ԵՆ՝ ՀԱՐՑԱՔՆՆԵԼՈՒ



«Ժողովուրդ» օրաթերթի տեղեկությունների համաձայն՝ Ազգային անվտանգության ծառայությունը օրերս հարցաքննության, ինչպես նաեւ առերեսման է հրավիրել «Լեռնային Հայաստան» առողջարանի N գորամասի գնդապետ Կորյուն Եղիազարյանին:

Հիշեցնենք, որ գնդապետ Կորյուն Եղիազարյանը առավել հայտնի է 2018թ.-ի հեղափոխության օրերին. ԱԺ պատգամավոր Առաքել Մովսիսյանի՝ Շմայի հետ միասին զբաղված է եղել Արգավանի «պաշտպանությանը»: Նրանք դիմադրում էին, որ ոչ մի դեպքում իշխանությունը չփոխվի, եւ փողոցում քայլողները իշխանության չգան:

Եղիազարյանը հարցաքննության է հրավիրվել ոչ թե այդ արարքի, այլ ուրիշ պատճառով: Նրան հարցաքննության ու առերեսման են հրավիրել Սերժ Սարգսյանի անվտանգության դեկալար, ՊՊԾ պետ Վաչագան Դազարյանի դեմ հարուցված քրեական գործով:

ՆԱԽԸՆՏՐԱԿԱՆ ԾՐԱԳԻՐ

«Ժողովուրդ» օրաթերթի այն արձանագրումներից հետո, որ Երեւանի նախկին քաղաքապետ, քաղաքապետի թեկնածու Հայկ Մարությանը նախընտրական ծրագիր անգամ չի ներկայացրել, նա վերջապես արթնացել ու ծրագիր է ներկայացրել: Օրեր առաջ գրել էինք, որ ավագանու ընտրություններն արդեն քանի օր է՝ մեկնարկել են, բայց «Ազգային առաջընթաց» կուսակցությունը, որի ցուցակը գլխավորում է Հայկ Մարությանը, նախընտրական ծրագիր չի ներկայացրել: Նախկին քաղաքապետը միայն 2018թ.-ի նախընտրական քարոզարշավի հուլիվակներով է կիսվում իր սոցիալական էջերում, բայց նոր ոչինչ չունի առաջարկելու երեւանցիներին, դրա համար էլ նախընտրական ծրագիր չունի: Բազմաթիվ քննադատություններից հետո դեռասան նախկին քաղաքապետը քնից արթնացել է ու որոշել է վերջապես նախընտրական ծրագիր ներկայացնել: Հայկ Մարությանի նախընտրական ծրագիրը բաղկացած է 12 մասից. ծրագրում ներկայացվել են աղբահանության, կանաչապատման, բազմաբնակելի շենքերի կառավարման, տրանսպորտի, քաղաքային պլանավորման, սոցիալական պաշտպանության եւ այլ խնդիրներ:

ՆԱԽԸՆՏՐԱԿԱՆ

ԳՈՒՄԱՐ՝ ԵՐԹԻ ԳՆԱԼՈՒ ՀԱՄԱՐ

Կուսակցություններն օգտվում են մարքեթինգային գործակալությունների ծառայություններից՝ գումարի դիմաց մարդկանց ներգրավելով երբեք եւ քաղաքական թռուցիկների սարածման գործում:

Այս մասին «Ժողովուրդ» օրաթերթը տեղեկանում է «Ականատես» դիտորդական առաքելության տարածած հայտարարությունից: Դիտորդական առաքելությունը ներկայացրել է նամակագրության օրինակներ, թե ինչպես է մարքեթինգային ընկերություններից մեկը քարոզչության ժամանակ քայլելու համար հավաքագրում մարդկանց:

Սոցիալական տարբեր ցանցերում քաղաքական երթերին մասնակցելու հայտարարություններ են տարածվում: Մասնավորապես, Promo host գովազդային տեխնոլոգիաների կազմակերպությունն իր ինստագրամյան չատում հավաքագրում է աղջիկների՝ գումարի դիմաց «Քաղաքացիական պայմանագիր» կուսակցության քարոզչական երթերին մասնակցելու համար:

Մասնակից աղջիկներին հանձնարարվում է կրել սպիտակ շապիկներ եւ ջինսե տաբատներ: Նույն տեսքով քարոզարշավին մասնակցում են «Քաղաքացիական պայմանագիր» կուսակցության ներկայացուցիչները: Մասնակցել ցանկացողները պետք է նաեւ նախապես ուղարկեն իրենց լուսանկարը կազմակերպչին հաստատում ստանալու նպատակով: Մասնակիցները հրավիրվում են Սայթ-Նովա 40 հասցեում գտնվող ՔՊ գլխամասային գրասենյակ, որտեղից մեկնարկում են քարոզչական երթերը:

Նշենք, որ մասնակից աղջիկներին 1 ժամվա համար վճարվում է 1000 դրամ փոխհատուցում: Գումարները փոխանցվում են անկանխիկ եղանակով՝ մասնակիցների բանկային քարտերին փոխանցման միջոցով:

Ֆեյսբուքյան խումբը, որն ունի շուրջ 3000 մասնակից, եւս կիրառվում է որպես նմանատիպ հայտարարությունների հարթակ: Մեկ այլ՝ City Promotion մարքեթինգային գործակալությունն այստեղ հավաքագրում է մասնակիցների՝ քարոզչական տարբեր միջոցառումներում թռուցիկների բաժանման, դրոշակների ծածանման համար: Կազմակերպության ներկայացուցիչ հետ զրույցում պարզ դարձավ, որ նմանատիպ ծառայություն մատուցում են մի քանի կուսակցությունների համար (կազմակերպությունը խուսափեց անուններ նշելուց): Այս դեպքում եւս մասնակիցներին մեկ ժամվա համար վճարվում է 1000 - 2000 դրամ:

Ականատեսը հարդորում է ներկայացրել ՀՀ գլխավոր դատախազություն՝ պարզելու համար՝ արդյոք վերը նշված գործողություններն ունեն ՀՀ քրեական օրենսգրքի 236-րդ հոդվածով սահմանված՝ քայլերթերին մասնակցելու նպատակով նյութապես շահագրգռելու հանցակազմի տարրեր:

«Ականատեսն ունի վերը նշվածն ապացուցող մի շարք ձայնագրություններ եւ այլ նյութեր: Անձնական տվյալների գաղտնիության պահպանման նկատառումներով առաջով հրապարակվում են դրանց մի մասը»,-ասված է հայտարարության մեջ:

Ավելի ուշ ՔՊ շտաբի պետ Արմեն Փամբուխչյանը հանդես եկավ հայտարարությամբ՝ «Ականատես»-ի հայտարարությունն անվանելով զրպարտություն:

Փամբուխչյանը ֆեյսբուքյան իր էջում գրել է, որ «Քաղաքացիական պայմանագիր» կուսակցությունն իր գործունեության ընթացքում միշտ մերժել է շարունակում է մերժել գումարի դիմաց քաղաքացիներին հանրահավաքներին, երթերին ներգրավելու արատավոր երեւույթը:

«Երեկ առավոտյան՝ հողվածը լույս տեսնելուց անմիջապես հետո, կուսակցության նախընտրական շտաբը կապ է հաստատել առանց բացառության բոլոր ենթաշտաբների պետերի հետ: Կարող ենք փաստել, որ կուսակցության ոչ կենտրոնական շտաբը, ոչ ենթաշտաբները որեւէ առնչություն չունեն հողվածում նկարագրվող պրոցեսների հետ:

«Քաղաքացիական պայմանագիր» կուսակցությունն իր քարոզարշավն իրականացնում է բացառապես օրենքով սահմանված կարգով՝ օգտվելով միայն վճարովի գովազդային եւ այլ այնպիսի ծառայություններից, որոնք արգելված չեն օրենքով եւ չեն հակասում մեր արժեքներին: Որպես օրինակ՝ գովազդային գործակալությունների հետ սահմանված կարգով համագործակցում ենք պաստառներ փակցնելու, թռուցիկներ տարածելու, լեդ էկրանների վրա գովազդային հոլովակներ տեղադրելու եւ նման այլ հարցերով:

Իրավապահ մարմիններին կոչ ենք անում անհապաղ ստուգել հրապարակված հողվածում առկա տեղեկատվության իսկությունը եւ դրանում քրեախրավական գնահատականի արժանի արարքի առկայությունը:

Աներկբայորեն պետք է պարզել այս գործողությունը կատարողի կամ այս պատմությունը բեմադրողի ինքնությունը»:

ԻՐԱՎԻՃԱԿ

ՄԱՆՐԱՄԱՆԵՐ

ՈՒՇԱՑԱԾ ՀՐԱԺԱՐԱԿԱՆԻ ՊԱՏՃԱՌՆԵՐԸ

ԽՆԴԻՐԱՐՈՒՅՑ ՀԱՐՑԱԶԲՈՒՅՑ



«Հայաստանի հանրությունը խորը հի-ստատիկություն է ապրել և ապրում Հա-վաքական անվտանգության պայմա-նագրի կազմակերպության գործելա-կերպի վերաբերյալ, կարծում եմ՝ ակն-հայտ է: Նաեւ սա է պատճառը, որ Հա-վաքական անվտանգության պայմա-նագրի կազմակերպության՝ 2022 թվա-կանի աշխատանքը Երեւանում տեղի ունե-ցած գազաթնամիջոցի ընթացքում Հա-յաստանը չվավերացրեց, չսխալվեց մի-շարք փաստաթղթերի, եւ քանի որ Հա-վաքական անվտանգության պայմա-նագրի կազմակերպությունում որոշում-ներն ընդունվում են կոնսենսուսով, այդ դեպքում որոշում չընդունվեց»:

Այսպիսի կարծիք սեպտեմբերի 2-ին ասել է վարչապետ Նիկոլ Փաշինյանը՝ հարցազրույց տալով իտալական La Repubblica թերթին, քննադատության ենթարկելով ՀԱԳԿ-ին:

Սակայն հետաքրքիր է, որ այսօր Փաշինյանի կառավարության գլխավոր անդամներից մեկը՝ փոխվարչապետ Միեր Գրիգորյանը, կոչ է արել սեւ ու սպիտակ գնահատականներ չտալ գոր-ծընկերների մասին: «Մեք չպետք է սեւ ու սպիտակ գնահատական տանք այս կամ այն գործընկերոջ գործողու-թյուններին կամ աջակցության որա-կին», - հայտարարել է Հայաստանի փոխվարչապետ Միեր Գրիգորյանը: Նրա խոսքով՝ պետք է խորը վերլուծել եւ հասկանալ, թե ինչ դերակատարների ու գործողությունների պակաս կա:

Այսինքն՝ ստացվում է՝ կառավարու-թյան երկու ներկայացուցիչները նույն հարցի վերաբերյալ տարբեր կարծիք-ներ ունեն:

Նշենք նաեւ, որ Հայաստանի վարչա-պետ Նիկոլ Փաշինյանի՝ Ռուսաստանի մասին հայտարարությունները իտալա-կան լրատվամիջոցներին տված հար-ցազրույցում տոնով անընդունելի են, Մոսկվայում ծայրահեղ դժգոհ են: Այս մասին TACC-ին հայտնել է դիվանագի-տական աղբյուրը:

«Մոսկվան չափազանց դժգոհ է Հա-յաստանի դեկլարացիայի վերջին հրապարակային հայտարարությունե-րից, այդ թվում՝ իտալական La Repubblica թերթին տված հարցազրույ-ցում Հայաստանի վարչապետի հայտա-րարություններից եւ օգոստոսի 31-ին ՀՀ ԱԳՆ-ի մեկնաբանությունից. դրանք իրենց տոնով եւ բովանդակությամբ անընդունելի են՝ նպատակ ունենալով սեփական սխալ հաշվարկների եւ սխալների պատասխանատվությունը Ռուսաստանի վրա դնել», - ասել է աղբ-յուրը:

Ըստ դիվանագիտական աղբյուրի՝ Ռուսաստանը չի պատրաստվում հեռա-նալ Հարավային Կովկասի տարածաշր-ջանից՝ որպես Հայաստանի ամենամոտ բարեկամ եւ հարեան, բայց Երեւանը չպետք է դառնա Արեւմուտքի գործիքը՝ Ռուսաստանի Դաշնության դուրսմղ-ման համար:

Հրաժարականի դիմում ներկայաց-րած ԱՀ նախագահ Արայիկ Հարու-քյունյանը Ֆեյսբուքի իր էջում դար-գաբանել է, թե ինչու ավելի վաղ հրա-ժարական չի սվել, ինչպես նաեւ այն, թե ով է լինելու հաջորդ նախագահը:

Նախկին նախագահը գրառման մեջ մեկ անգամ տեղեկացրել է, որ սեպտեմ-բերի 1-ից վայր է դրել Արցախի Հանրա-պետության նախագահի լիազորությու-նները՝ Ազգային ժողովին հղած հրաժարա-կանի դիմումի հիման վրա՝ այդ եւ հարա-կից գաղափարների վերաբերյալ մի քա-նի հիմնական հարցի անդրադառնալով:

«Ժողովուրդ» օրաթերթի փոխանց-մամբ՝ նախկին նախագահը նախ խոսել է այն մասին, թե ինչու ավելի վաղ հրաժա-րական չի տվել:

«Քանի որ գործող սահմանադրական կարգավորումները ենթադրում էին, որ իմ հրաժարականի դեպքում պետք է միա-ժամանակյա նախագահական ու խորհր-դարանական արտահերթ ընտրությու-ններ կազմակերպվեին, իսկ դրա իրա-գործման հնարավորությունը խիստ մշուշոտ էր, հատկապես՝ շրջափակման պայմաններում, ուստի եւ նախաձեռնե-ցի, եւ Ազգային ժողովն ընդունեց Սահ-մանադրության փոփոխություն, որպեսզի հնարավոր լինի ռազմական դրության ժամանակ խորհրդարանի կողմից ընտ-րել անցումային նախագահ մինչեւ գոր-ծող հանրապետության նախագահի լիա-զորությունների ավարտը: Սահմանադ-րության 168.1-րդ հոդվածն ուժի մեջ է մտել հուլիսին, որից հետո քանիցս մտա-ծել եմ հարմար պահի մասին, սակայն կարետոր արտաքին քաղաքական գար-գացումների վրա բացասաբար չազդելու համար որոշ ժամանակ սպասել եմ եւ որոշումն կայացրել օգոստոսի վերջին», - գրել է Հարությունյանը:

Անդրադառնալով այն հարցին, թե ինչ է տեղի ունենալու մինչեւ Հանրապետու-թյան նոր նախագահի ընտրությունը, Արայիկ Հարությունյանը նշել է, որ, Սահ-մանադրության կարգավորման համա-ձայն, Ազգային ժողովի նախագահը ժա-մանակավորապես իրականացնում է Հանրապետության նախագահի լիազո-



րությունները, որը պարզապես մի քանի օրվա հարց է:

«Բացի դրանից, ինչպես հայտարարել եմ, նախքան հրաժարականս նշանակել եմ նոր պետական նախարար՝ լայն լիա-զորություններով, որպեսզի նաեւ այդ մի-ջոցով հնարավոր լինի պահել պետական համակարգի կայունությունը»:

Խոսելով հանրապետության հաջորդ նախագահի ով լինելու մասին՝ Հարու-թյունյանը գրել է, որ այդ հարցի լուծումը Սահմանադրությամբ վերապահված է բացառապես Ազգային ժողովին՝ խմբակ-ցությունների առաջարկությունների հի-ման վրա: Ուստի պատգամավորներին կոչ է անում Հանրապետության նախա-գահի ընտրության հարցում առաջնորդ-վել իրենց խղճով եւ չտրվել տարաբնույթ նեղ խմբային ազդեցությունների:

«Հիշեցնեմ, որ 44-օրյա պատերազմից անմիջապես հետո եւ դադարեցրել եմ իմ կուսակցական գործունեությունը եւ որեւ-է առնչություն չունեմ «Ազատ հայրենիք» կուսակցության հետ: Ուստի որեւէ կերպ չեմ կարող եւ չեմ ցանկանում ներգրա-վել Ազգային ժողովի «Ազատ հայրենիք-ՔՄԴ» խմբակցության դիրքորոշման ձեւավորման գործում, եւ իրենք ամբող-ջովին ինքնուրույն կերպով կորոշեն իրենց մոտեցումները:

Ոչ եւ, ոչ էլ մեկ այլ կողմակի անձ իրավունք չունենք միջամտելու այդ գոր-ծընթացին: Հորդորում եմ բոլոր քաղա-քական ու հանրային գործիչներին զսպ-վածություն ցուցաբերել եւ առաջնորդվել Արցախի Հանրապետության օրենսդրու-թյամբ եւ ժողովրդավարական բարձր քաղաքական մշակույթով»:

ՕՐՎԱ ԽՃԱՆԿԱՐ ՄԱՐԱՊԱՏԻՔԸ ՀԱՅԱՍՏԱՆՈՒՄ

Մահապատժի վերջնական վերացման մասին արձանագրությունը ստորագրել են Եվրախորհրդի բոլոր 46 անդամները, սակայն այն ուժի մեջ է մտել միայն 44-ում: Հայաստանն ու Ադրբեյջանը դեռ չեն վա-վերացրել այն: Այս մասին սեպտեմբերի 4-ին Ազգային ժողովում պետական-իրա-վական հարցերի մշտական խորհրդարա-նական հանձնաժողովի նիստում «Մար-դու իրավունքների եւ հիմնարար ազա-տությունների պաշտպանության մասին» կոնվենցիայի վավերացման հարցի քն-նարկման ժամանակ հայտարարել է հան-րապետության արդարադատության փոխնախարար Կարեն Կարապետյանը: Կառավարության ներկայացուցիչ խոսքով՝ այս թեման պարբերաբար բարձրացվում է ԵԽԽՎ օրակարգում: Միաժամանակ եւս պաշտոնյաները պարբերաբար Հայաս-տանի իշխանություններին խնդրում են ուշադրություն դարձնել այս խնդրին: «Մյուս կողմից՝ Հայաստանը վավերացրել է Մարդու իրավունքների եվրոպական կոնվենցիայի 6-րդ արձանագրությունը,

ըստ որի՝ մահապատժը սահմանափակ-վում է ռազմական գործողությունների ժամանակով կամ դրա անմիջական վտանգով», - նշեց փոխնախարարը:

N13 արձանագրությունը, ինչպես նշեց պաշտոնյան, դիտվում է որպես մահա-պատժի բոլոր տեսակների վերացման վերջնական քայլ: Նշենք նաեւ, որ նա ասաց՝ նախագծի՝ Սահմանադրական դա-տարան ուղարկման մասին: Սահմանադ-րության հետ հակասություններ չեն գտել:

Հավելենք, որ համեմատաբար կարճ քն-նարկումներից հետո օրենսդրական նա-խաձեռնությունը մշտական խորհրդարա-նական հանձնաժողովի կողմից դրական եզրակացություն ստացավ:

ՄՏՈՒԳՈՒՄ ԵՆ ՄՏՈՐԱԳՐՈՒԹՅՈՒՆՆԵՐԸ

«Ժողովուրդ» օրաթերթի տեղեկություն-ներով՝ Կենտրոնական ընտրական հանձ-նաժողովը սեպտեմբերի 4-ից սկսում է «ՀայաՔվե» քաղաքացիական նախաձեռ-նության ներկայացրած ստորագրություն-ների ստուգման գործընթացը: Նախաձեռ-

նության լիազոր ներկայացուցիչները կա-րող են ներկա գտնվել գործընթացին:

Հունիսի 20-ին ԿԸՀ-ն գրանցել էր 66 քաղաքացիների դիմումը՝ «ՀՀ քրեական օրենսգրքում լրացում կատարելու մասին նախագիծը (Հարցը) քաղաքացիական նախաձեռնության կարգով առաջարկելու նպատակով նախաձեռնող խումբ կազմա-վորելու վերաբերյալ»:

Նախաձեռնող խումբը ստորագրու-թյունների հավաքման համար ուներ 60 օր՝ հունիսի 21-ից օգոստոսի 19-ը ներառյալ:

Քաղաքացիական նախաձեռնության ներկայացուցիչները օգոստոսի 31-ին ստորագրությունների լրացված ձեւաթղ-թերի 5 տուփ են ներկայացրել Կենտրոնա-կան ընտրական հանձնաժողով:

ԿԱՐՄՐՈՒԿԸ ՀԱՅԱՍՏԱՆՈՒՄ

Սեպտեմբերի 4-ի դրությամբ Հայաստանում արձանագրվել է կարմրուկի 415 դեպք՝ 291 երեխա եւ 124 մեծահասակ: ՀՀ ԱՆ հիվան-դությունների վերահսկման եւ կանխարգել-ման ազգային կենտրոնից հայտնում են, որ հոսսախտաբանական քաղաքացիներ չկան:

ԿԱՇԱՌԷ

ԶԻՆՎՈՐԱԿԱՆ ԾԱՌԱՅՈՒԹՅՈՒՆԻՑ ԱԶԱՏՈՒՄ ԳՈՒՄԱՐՈՎ

Հայաստանի դատախազությունը հայտնում է, որ Արարատի մարզի գորակոչի բաժանմունքի ավագ մասնագետը ստացել է խուճուր չափերով կաշառք գորակոչի կինը զինվորական ծառայությունից ազատելու համար:

Ա.Թ.-ն, լինելով Պաշտպանության նախարարության գորակոչային եւ գորահավաքային համալրման ծառայության Արարատի մարզի տարածքային ստորաբաժանման գորակոչի բաժանմունքի ավագ մասնագետ, 2023 թվականի մարտ-ապրիլ ամիսներին պահանջել է ստացել է խուճուր չափերով կաշառք:

«Մասնավորապես, քրեական վարույթով պարզվել է, որ գորակոչի Ա.Մ.-ի հայրը՝ Յ.Մ.-ն, 2023 թվականի մարտին ծանոթացել է ՊՆ գորակոչային եւ գորահավաքային համալրման ծառայության Արարատի մարզի տարածքային ստորաբաժանման գորակոչի բաժանմունքի ավագ մասնագետ Ա.Թ.-ի մտերիմ Ռ.Ա.-ի հետ եւ վերջինիս խնդրել կազմակերպել որդուն պարտադիր զինվորական ծառայությունից ազատելու գործընթացը: Քաղաքացի Ռ.Ա.-ն իր մտերիմ, Արարատի մարզի տարածքային ստորաբաժանման գորակոչի բաժանմունքի ավագ մասնագետ Ա.Թ.-ի հետ համաձայնության է եկել 10 հազար ԱՄՆ դոլարի դիմաց ազատել Ա.Մ.-ին պարտադիր զինվորական ծառայությունից (Ա.Թ.-ն խոստացել է 2 հազար ԱՄՆ դոլարը տրամադրել իրեն օժանդակող Ռ.Ա.-ին): Ռ.Ա.-ն 2023 թվականի մարտի 30-ին վերցրել է կաշառքի մի մասը՝ 2 հազար 500 ԱՄՆ դոլարը, որից 1000 ԱՄՆ դոլարը փոխանցել է Ա.Թ.-ին: Զորակոչի կողմից բժշկական հետազոտություններն անցնելուց հետո Ռ.Ա.-ն ստացել է մնացած 7 հազար 500 ԱՄՆ դոլարը եւ Արարատի մարզի տարածքային ստորաբաժանման գորակոչի բաժանմունքի ավագ մասնագետ



տին փոխանցել ընդհանուր առմամբ 7 հազար 400 ԱՄՆ դոլար:

Մեկ այլ դրվագով՝ Արարատի մարզի տարածքային ստորաբաժանման գորակոչի բաժանմունքի ավագ մասնագետ Ա.Թ.-ն կրկին իր մտերիմ Ռ.Ա.-ի միջոցով Արարատի մարզի երկու բնակիչ ստացել է 120 հազար դրամ կաշառք՝ վերջիններին 2023 թվականի հերթական վարժական հավաքից ազատելու համար: Բացի այդ, 2023 թվականի ապրիլի 17-ին Զորակոչի բաժանմունքի ավագ մասնագետ Ա.Թ.-ն գանգախարել է Արարատի մարզի բնակիչ Յ.Մ.-ին, հայտնել, որ տարածքային ստորաբաժանման կողմից նրան վարժական հավաքին ներկայանալու վերաբերյալ ծանուցագիր է ուղարկվելու, եւ ծանուցագիրը չուղարկելու համար, որպես կաշառք, առաջարկել է Յ.Մ.-ին պատկանող ռեստորանային համալիրում Արարատի մարզի տարածքային ստորաբաժանման հինգ ծառայողների համար հյուրասիրություն կազմակերպել: Յ.Մ.-ն ընդունել է առաջարկը եւ հյուրասիրություն կազմակերպել հինգ անձի համար՝ յուրաքանչյուրի համար վճարելով 15 հազար դրամ: Հաջովի առնելով, որ Ա.Թ.-ի գործողություններում առկա են

հանցագործության հատկանիշներ՝ հսկող դատախազի նախաձեռնությամբ՝ 2023 թվականի սեպտեմբերի 4-ին Ա.Թ.-ի նկատմամբ հարուցվել է հանրային քրեական հետապնդում՝ Քրեական օրենսգրքի 435-րդ հոդվածի 2-րդ մասի 2-րդ կետով (խոշոր չափերով կաշառք ստանալը), 435-րդ հոդվածի 2-րդ մասի 1-ին կետով (մի խումբ պաշտոնատար անձանց կողմից կաշառք ստանալը) (2 դրվագ) եւ 435-րդ հոդվածի 1-ին մասով (կաշառք ստանալը՝ պաշտոնատար անձի կողմից անձամբ կամ միջնորդի միջոցով իր կամ այլ անձի համար գույք, ներառյալ դրամական միջոց, արժեթուղթ, վճարային այլ գործիք, գույքի նկատմամբ իրավունք, ծառայություն կամ որեւէ այլ առավելություն ստանալը, պահանջելը, կաշառք տալու առաջարկ ներկայացնելը կամ կաշառք տալու առաջարկը կամ խոստումն ընդունելը՝ իր իշխանական կամ ծառայողական լիազորությունները կամ դրանցով պայմանավորված ազդեցությունն օգտագործելով կաշառք տվողի կամ նրա մատնանշած անձի օգտին գործողություն կատարելու կամ չկատարելու համար),- ասված է հաղորդագրության մեջ:

ՊԱՐԶ Է

Ո՞Վ Է ԲՆԵՆԼՈՒ ԳՈՐԾԸ

«Ժողովուրդ» օրաթերթը գրել էր, որ նախաքննության ավարտ է հայտարարվել Ազատ գյուղի զինվորների կացարանում հունվարի 19-ին բռնկված ողբերգական հրդեհի գործով. այն իսկ 15 զինվորի կյանք: Տեղեկությունը մեզ հետ զրույցում հաստատել էր նաեւ գործով կալանավորված սպա Եղիշե Հակոբյանի պաշտպան Յովսեփ Սարգսյանը:

Ըստ նախաքննական մարմնի՝ սպան բենզինը լցրել էր վառարանը, կրակը անսպասելի թեժացել էր, ինչի հետեւանքով տեղի ունեցավ ողբերգական դեպքը: Հիշեցնենք, որ դեպքը եղել էր այս տարվա հունվարի 19-ին Ազատ գյուղի զինվորական կացարանում, ինչի հետեւանքով մահացան 15 զինծառայողներ. սույն գործով մեղադրյալի արձույթն են 4 անձ:

Եվ, ահա, Եղիշե Վահագնի Հակոբյանին մեղադրանք է առաջադրվել այն բանի համար, որ նա, զբաղեցնելով Հայաստանի Հանրապետության ՊՆ Ն գործառնախի ինժեներական ծառայության սպայի պաշտոնը, խախտել է ավտոբենզինի հետ վարվելու կանոնը, որը օգտագործել է Գեղարքունիքի մարզի Ազատ գյուղում տեղակայված Հայաստանի Հանրապետության ՊՆ Ն գործառնախի ինժեներասակրավորային վաշտի անձնակազմի համար նախատեսված կացարանում շահագործվող վառարանը վառելու նպատակով, որի հետեւանքով կացարանում հրդեհ է բռնկվել:

Եղիշե Վահագնի Հակոբյանի կողմից կացարանում գտնվող զինծառայողների պաշտպանությունը չապահովելու հետեւանքով նույն վաշտի պարտադիր ժամկետային զինծառայողներ, կրտսեր սերժանտներ Արամ Մանուկյանը, Վոլոդյա Ներսիսյանը, Պավել Աբազյանը, Միշա Դումիկյանը, շարքայիններ՝ Գոռ Մարտիրոսյանը, Ռոստոմ Ասրյանը, Մուշեղ Համբարջյանը, Տարոն Ղարիբյանը, Դավիթ Սարգսյանը, Հրաչյա Գրիգորյանը, Նարեկ Ավագյանը, Գագիկ Բարսեղյանը, Հայկ Կիրակոսյանը, Սերգեյ Կեռոկովը, Համլետ Դավթյանը մահացել են, իսկ պարտադիր ժամկետային զինծառայողներ, շարքայիններ Գարուշ Սարգսյանը, Լեոն Խառատյանը, Ժիրայր Սահակյանը, Ռադիկ Մաթեոսյանը եւ Եղիշե Հակոբյանը ստացել են տարբեր աստիճանի մարմնական վնասվածքներ:

Գործը քննելու է դատավոր Վարդան Հարությունյանը

ՀՈՎԻՎԸ ՄԱՐԱՑԵԼ Է

«Ժողովուրդ» օրաթերթի տեղեկություններով՝ սեպտեմբերի 3-ին Գետաշենի հովվին գտել են սարի իր փոքրիկ տնակում մահացած:

Պարզվել է, որ մահացածը 40-ամյա Անդրանիկ Սարգսյանն է, որը զբաղվում է անասնապահությամբ:

Իսկ թե ինչն է եղել մահվան պատճառը, դեռեւս քննվում է:

ՔՆԱՐ ՄԱՆՈՒԿՅԱՆ

ՈՒՇԱԳՐԱԿ

ԻՆՔՆԱՍՊԱՆՈՒԹՅՈՒՆ՝ ԲԱՆՏՈՒՄ

«Ժողովուրդ» օրաթերթին հայտնի դարձավ, որ սեպտեմբերի 2-ին՝ ժամը 12.42-ին, ՀՀ ԱՆ «Արմավիր» քրեակատարողական հիմնարկում կալանավորված անձ 31-ամյա Գ.Գ.-ն ինքնասպանություն է գործել՝ կախվելով ճաղովանդակից: Գ.Գ.-ն, իր դիմումի համաձայն, մեկուսի է պահվել կարանտինային խցում:

Նշենք, որ կալանավորված անձն առողջական խնդիրների պատճառով ստացիոնար բուժման մեջ է գտնվել ՀՀ ԱՆ «Դատապարտյալների հիվանդանոց» քրեակատարողական հիմնարկում, որտեղից, իր դիմումի համաձայն, դուրս է գրվել 2023 թվականի սեպտեմբերի 1-ին եւ տեղափոխվել ՀՀ ԱՆ «Արմավիր» քրեակատարողական հիմնարկ:

Նախնական տվյալներով՝ կալանավորված անձը 2023թ. սեպտեմբերի 2-ին՝ ժամը 12-ի սահմաններում, ցանկություն է հայտնել օգտվել իրեն հասանելի հեռախոսազանգից: Ժամը 12.12-ին վերջինս դուրս է բերվել խցից, կատարել է հեռախոսազանգ, ժամը 12.15-ին վերադարձել է խուց, որից հետո նրան հայտնաբերել են կախված վիճակում:

Դեպքի առթիվ ՀՀ ԶԿ Արմավիրի մարզային քննչական վարչության Վարդաշա-

պատի քննչական բաժնում նախապատրաստվում են նյութեր:

ԹՄՐԱՆՅՈՒԹՆ ՈՒ ՓՈԽՏԵՕՐԵՆԸ

Տարոնի քրեական հետախույզները տեղեկությունն իրացրին սեպտեմբերի 3-ին: Երեկոյան ժամը 7.30-ին ձեռնարկված միջոցառումների արդյունքում Վանաձորի Տիգրան Մեծի փողոցում ձերբակալվեց եւ ոստիկանության Տարոնի բաժնի բերվեց 43-ամյա մի տղամարդ, որի անձնական խուզարկությամբ հայտնաբերվեց կաթոցիչ՝ դեղնականաչավուն գանգվածով:

Դպրոցի փոխտնօրեն տղամարդը եւ կազմված փաստաթղթերը ներկայացվել են Լոռու մարզային քննչական վարչություն: Հանգամանքները պարզվում են:

ԵՐՋԱՆԿՈՒԹՅԱՆ ԿՐԱՆՈՑՆԵՐ

«Ժողովուրդ» օրաթերթին մանրամասներ են հայտնի դարձել մայրաքաղաքի Թամանցիների փողոցում հյուրանոցային համալիրի կրակոցներից: Մեզ հասած տեղեկությունների համաձայն՝ հնչած կրակոցները ուրախության կրակոցներ են եղել:

Բանն այն է, որ ռեստորանի սեփականատիրոջ հարազատներից մեկը երկար տարիներ երեխա չի ունեցել, որից հետո ընտանիքում երեխա է ծնվել, եւ ոգետրված ընտանիքի անդամները զենքով մի քանի անգամ օդ են կրակել ու հայտնվել իրավապահների տեսադաշտում:

Սեպտեմբերի 3-ին՝ գիշերվա ժամը 3.30-ին, «1-02» գանգած անհայտ քաղաքացին հայտնել էր, որ մայրաքաղաքի Թամանցիների փողոցում հյուրանոցային համալիրից լսվում են կրակոցի ձայներ: Այս մասին հայտնում էին ոստիկանությունից: Հաղորդումը փոխանցվել էր ոստիկանության Շենգավիթի բաժնի, որտեղից էլ օպերատիվ խումբը մեկնել էր դեպքի վայր:

Մեկնել էին նաեւ պարեկներ: Դեպքի վայրի զննությամբ հայտնաբերվել էին «ԱԿՍ» տիպի ինքնաձիգ, 4 փամփուշտ եւ 12 պարկուճ: Շենգավիթի քրեական հետախույզների եւ մայրաքաղաքի պարեկների համատեղ ջանքերով սեպտեմբերի 3-ին՝ ժամը 16:10-ին, խուլիգանություն կատարելու կասկածանքով ձերբակալվել եւ բաժնի էին տեղափոխվել երեք տղամարդ: Նրանցից մեկը՝ 29-ամյա երիտասարդը, հայտնել է, որ ինքնաձիգից ինքն է կրակել օդ: Երեքն էլ ներկայացվել են քննչական բաժնի: Բացի կրակոցից, մյուս երկուսը բաց էին թողնվել:

● Ըստ ոստիկանության տվյալների՝ սեպտեմբերի 1-ից 4-ը Հայաստանի Հանրապետությունում բացահայտվել է հանցագործության 127 դեպք, որոնցից 7-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

«ՕԴՈՒՄ ԿԱՆԻՎԱԾ» ԶԻՆՂԵԿՆԵՐ

Տավուշի մարզպետ Յայկ Ղալումյանին տեղեկատվական հարցում են ուղարկել՝ նրան հարցնելով՝ սեպտեմբերի 1-ից Տավուշի մարզի հանրակրթական դպրոցների այն զինղեկները, որոնք ունեն միջնակարգ կրթություն և ուսուցիչների կամավոր ատեստավորմանը չեն մասնակցել, դրանում դրական արդյունքներ չեն ունեցել, զրկվելու են դպրոցներում դասավանդելու իրավունքից, Տավուշի մարզի հանրակրթական 76 դպրոցներում միջնակարգ կրթությամբ քանի զինղեկ է աշխատում, նրանցից քանիսն է հայտ ներկայացրել մասնակցելու կամավոր ատեստավորմանը, քանիսն է ազատվել աշխատանքից: Մարզպետարանից ստացված պատասխանում նշված է. «Տավուշի մարզի հանրակրթական դպրոցների բոլոր ուսուցիչները, այդ թվում՝ զինղեկները, ովքեր չունեն բարձրագույն կրթություն և չեն հայտագրվել կամավոր ատեստավորմանը մասնակցելու համար, ազատվել են աշխատանքից:

Տավուշի մարզի հանրակրթական դպրոցներում միջնակարգ կրթությամբ զինղեկ չի աշխատում, կամավոր ատեստավորման համար հայտ ներկայացրել է 9 զինղեկ, 4 զինղեկ ազատվել է աշխատանքից»:

Քանի որ ատեստավորման հարցաշարերը չեն հրապարակվել, այլ միայն քննական թեստերի ուղեցուցիչները, քննական թեստերն էլ շատ խրթին են, դրանց պատասխանելու համար տրվող ժամանակը՝ շատ սուղ, ուստի դժվար է չեթաղել, որ կամավոր ատեստավորման համար հայտ ներկայացրած 9 զինղեկի մեծամասնությունը ատեստավորումից դրական արդյունք չի ունենալու և ազատվելու է աշխատանքից: Սահմանամերձ Տավուշի հանրակրթական որոշակի թվով դպրոցներում բարձր դասարանցիները զինղեկ չլինելու պատճառով Ռազմագիտություն, Նախնական զինվորական պատրաստություն չեն սովորելու:

ՊԱՐԳԵՎԱՎՃԱՐՆԵՐԻՆ ՈՒ ԱԳՔԱՏՈՒԹՅՈՒՆԵՐԸ

Նիկոլ Փաշինյանի դատընկեր, նրա հարսանիքի քավոր, Նիկոլ Փաշինյանի որոշմամբ 2021թ. ապրիլի 8-ին Տավուշի մարզպետ նշանակված Յայկ Ղալումյանին տեղեկատվական հարցում են ուղարկել՝ հարցնելով, թե օգոստոսի 25-ի դրությամբ Տավուշի մարզպետարանի աշխատակիցները պետական բյուջեից ընդհանուր ինչքան պարգեւավճար են ստացել, նույն օրվա դրությամբ մարզի սոցիալապես անապահով, կարիքավոր բնակիչները պետական բյուջեից ինչքան դրամական օգնություն են ստացել: Մարզպետարանից ստացված պատասխանում նշված է. «2023թ. օգոստոսի 25-ի դրությամբ Տավուշի մարզպետի աշխատակազմի աշխատակիցները ստացել են պարգեւատրումներ՝ 50395.0 հազար դրամ: Տավուշի մարզի սոցիալապես կարիքավոր բնակիչները 2023թ. օգոստոսի 25-ի դրությամբ պետական բյուջեից Տավուշի մարզպետի աշխատակազմի միջոցով ստացել են 48725.0 հազ. դրամ»:

122 հազար բնակիչ ունեցող Տավուշի մարզի՝ սոցիալապես անապահով, հրատապ բուժման և այլ կարիքներ ունեցող բնակիչները պետական բյուջեից մոտ 2 միլիոն դրամով ավելի քիչ օգնություն են ստացել, քան համեմատաբար բարձր վարձատրվող 72 աշխատակից ունեցող Տավուշի մարզպետարանի աշխատողները՝ պետբյուջեից պարգեւավճար: Կուշտը սովածին մանր է բրդում:

ՈՍԿԱՆ ՍՈՐԳՅԱՆ Տավուշ

ՀԱՍԱՇՆԱՐՅԱՅԻՆ

ԶԲՈՍԱՇՐՋԱՅԻՆ ՖՈՐՈՒՄ ԵՐԵՎԱՆՈՒՄ

«Ժողովուրդ» օրաթերթի փոխանցմամբ՝ Երեւանում սեպտեմբերի 6-8-ը կանցկացվի Համաեւրոպային զբոսաշրջային ներդրումային ֆորումը, որը կազմակերպել է ՀՀ ԷՆ Զբոսաշրջության կոմիտեն ՄԱԿ Զբոսաշրջության համաեւրոպային կազմակերպության հետ համագործակցությամբ: ՀՀ Էկոնոմիկայի նախարարության զբոսաշրջության կոմիտեի նախագահ Միսիան Պօղոսեանի խոսքով՝ ֆորումը հիմնական նպատակն է ներկայացնել համավարակից հետ համաեւրոպային մակարդակով զբոսաշրջության ոլորտում ներդրումային միջոցները, մասնագետները:

«Իհարկե, գլոբալ միտումներն են ներկայացվելու, բայց առանձին անդրադարձ է կատարվելու նաեւ Հայաստանին: Սա շատ լավ առիթ է Հայաստանի ներդրումային հնարավորությունները, ծրագրերը ներկայացնելու համար: Մենք շեշտը դնելու ենք մի քանի ուղղությունների վրա՝ մշակույթ, գաստրո, գինի, արկածային տուրիզմ», -ասաց Միսիան Պօղոսեանը: Նա տեղեկացրեց, որ ֆորումին ներկայացվելու է նաեւ Համաեւրոպային բանկի հետ մեկնարկող խոշոր ծրագիրը, որը նույնպես կարող է հետաքրքրել ներդրողներին: Մասնավորապես, նախատեսվում է Հայաստանի տարածքում առանձնացնել կլաստերներ, գոտիներ, որոնցից յուրաքանչյուրը սկիզբ է լինելու զբոսաշրջային որոնք ուղղության, օրինակ՝ Արեւիկա՝ գինու գոտի, Գյումրին՝ մշակույթային գոտի և այլն: Առաջիկայում սպասվում է միջազգային մասնագետների այց Հայաստան, որոնք կկատարեն առանձնացված տարածքների համապատասխան ուսումնասիրություն, վերլուծություն և կներկայացնեն զարգացման տեսլական:

«Ժողովուրդ» օրաթերթի տեղեկություններով՝ համաեւրոպային զբոսաշրջային ներդրումային ֆորումին նախատեսվում է ՄԱԿ ԶԳԿ անդամ պետությունների, այլ օտարերկրյա պետությունների զբոսաշրջության ոլորտի պատասխանատուների, օտարերկրյա և տեղական ներդրողների, միջազգային կազմակերպությունների,



պետական, մասնավոր հատվածի մասնակցություն: Զբոսաշրջության կոմիտեի միջազգային համագործակցության վարչության պետ Սոնա Հովհաննիսյանը նշեց, որ ակնկալվում է 150 հոգու մասնակցություն տարբեր երկրներից՝ ԱՄՆ-ից, Եվրոպայից, Եվրոպական երկրներից, Սենեգալից, Բահրեյնից, Ավստրիայից, Մոլդովայից, Իրանից: Ակտիվ մասնակցություն են ապահովելու նաեւ Հայաստանում գործող տարբեր երկրների դեսպանությունները:

«Խնդիր է դրված ցույց տալ զբոսաշրջային ոլորտի հիմնական ներդրումային միտումները: Կարելի է հասկանալ, թե ինչպես է փոխվել ներդրումային միջավայրը: Գիտենք, որ քովիդը մեծ ազդեցություն է ունեցել զբոսաշրջության ոլորտի վրա, որն ամբողջ աշխարհում բավական սուժեղ է: Այս համատեքստում մեր խնդիրն է Հայաստանը հնարավորինս ներկայացնել իր բոլոր կողմերով», -ասաց Սոնա Հովհաննիսյանը:

Ֆորումի շրջանակներում նախատեսված են նաեւ սոցիալ-մշակութային միջոցառումներ Հայաստանի զբոսաշրջության

ներուժը և գրավչությունները ներկայացնելու նպատակով: Զբոսաշրջության կոմիտեի հանրային կապերի ղեկավար Աննա Մարգարյանը տեղեկացրեց, որ հյուրերի համար Հայաստանը բացահայտելուն ուղղված զբոսաշրջային ծրագիր է նախատեսված: Նրանց համար հատուկ տուրեր են կազմակերպվելու: Առանձին տուրերով ներկայացվելու է մշակույթը, գաստրոտուրիզմը և գինու զբոսաշրջությունը:

«Մենք նաեւ հյուրընկալելու ենք միջազգային մեդիա ներկայացուցիչների: Ինչպես գիտեք, այս ուղղությամբ եւս Զբոսաշրջության կոմիտեն ակտիվ աշխատանք է տանում: Այս տարվա ընթացքում արդեն առիթ ունեցել ենք տարբեր երկրների մեդիա ներկայացուցիչների, բլոգերների ընդունել Հայաստանում, ներկայացնել մեր երկրի զբոսաշրջային հնարավորությունները: Ֆորումը եւս առիթ է մեդիա ոլորտի ներկայացուցիչների հետ աշխատելու: Այս անգամ մեր երկիրը կներկայացվի ոչ միայն արկածային, մշակութային, գաստրոտուրիզմի, այլև ներդրումների համար բարենպաստ միջավայր ունեցող երկիր», -հավելեց Աննա Մարգարյանը:

ԿՐԹՈՒԹՅՈՒՆ

ՎՐԱՑԵՐԵՆ՝ ՀԱՅԿԱԿԱՆ ԴՊՐՈՑՆԵՐՈՒՄ

Հանրակրթական դպրոցներում սարձաբազմաբանային լեզուների ուսուցման ծրագրի օրհանգում, ՀՀ կրթության, գիտության, մշակույթի և սպորտի նախարարի հրամանով, հաստատվել է վրացերենի ուսուցման առարկայական ծրագրերը՝ 8-րդ և 11-րդ դասարանների համար:

Հիշեցնենք, որ, ԿԳՄՍ նախարարի հրամաններով, հաստատվել էին նաեւ պարսկերենի, վրացերենի, թուրքերենի և արաբերենի առարկայական ծրագրերը, այս ուսումնական տարում գործընթացը շարունակելու համար անհրաժեշտություն կար հաստատելու միայն վրացերենի 8-րդ և 11-րդ դասարանների ծրագրերը:

Նշենք, որ տարածաշրջանային լեզուների առարկայական ծրագրերը մշակվելու համար ԿԳՄՍ նախարարությունը համագործակցել է համապատասխան

մասնագետների և Երեւանի պետական համալսարանի հետ: Մշակված ծրագրերը սահմանված կարգով երաշխավորվել են դպրոցներում գործածության համար:

Տարածաշրջանային լեզուների ուսուցումն իրականացվում է 2022-2023 ուսումնական տարվանից՝ որպես երրորդ օտար լեզու կամ առարկայական խմբակ:

Հիշեցնենք՝ մասնագիտական քննարկումների արդյունքում որոշում է կայացվել աղբյուրների և թուրքերենի ուսուցումը կազմակերպել բացառապես 10-12-րդ դասարանների սովորողների համար, իսկ վրացերենի և պարսկերենի ուսուցումը՝ միջին դպրոցի դասարաններից սկսած:

2022-2023 ուսումնական տարում տարածաշրջանային լեզուների ուսուցման ծրագիրը իրականացվել է 33 33 հանրակրթական ուսումնական հաստատություններում, որոնցից 13-ում՝ պարսկե-

րեն, 3-ում՝ վրացերեն, 13-ում՝ թուրքերեն, 4-ում՝ արաբերեններն:

Վերոնշյալ հաստատությունների մի մասում տարածաշրջանային լեզուների ուսուցումն իրականացվում է խմբակի ձեւաչափով, որոշներում՝ 3-րդ օտար լեզվի:

Կան հաստատություններ, որոնցում ուսուցումն իրականացվում է ե՛ր 3-րդ օտար լեզվի, ե՛ր խմբակի ձեւաչափով: Խմբակի եւ 3-րդ օտար լեզվի ուսուցման ղեկավարում հաստատությունն Նոր մուտք գործող մասնագետը պետք է համապատասխանի «Հանրակրթության մասին» օրենքի 26-րդ հոդվածի պահանջներին:

Համապատասխան մասնագետ ունենալու դեպքում ուսումնական հաստատություններն ազատ են տարածաշրջանային լեզուների ուսուցումը ԿԳՄՍ նախարարի հրամաններով հաստատված ծրագրերով կազմակերպելու հարցում, որի մեկնարկի մասին անհրաժեշտ է գրավոր տեղեկացնել ԿԳՄՍ նախարարությանը:

● Անցած 3 օրվա ընթացքում Հայաստանի Հանրապետությունում արձանագրվել է 38 ՃՏՊ. 3 մարդ զոհվել է, 48-ը՝ ստացել տարբեր աստիճանի մարմնական վնասվածքներ:

ԿԱՐԾԻՔ

ՑՈՒՖԵՆԿՅԱՆ

ՀԱՅԿԱԿԱՆ ԳՈՐԳԵՐ՝ 19-ՐԴ ԴԱՐԻՑ

19-րդ դարի սառնյակ անգուգական հայկական գորգերը մեկ տեղում: Հայաստանի դասնորոշյալ բանգարանում բացվեց «Չայներ հավաքական անցյալից» 19-րդ դարի հայկական գորգավաճառ, նմուշներ Ձեյմա Թուֆենկյան հավաքածուից» խորագրով ժամանակավոր ցուցադրությունը:



«Ժողովուրդ» օրաթերթի փոխանցմամբ՝ ցուցադրությունը բացվել է Հայաստանի պատմության թանգարանում թանգարանի եւ «Թուֆենկյան գորգեր» ընկերության համագործակցությամբ:

Հայաստանի պատմության թանգարանի տնօրեն Դավիթ Պողոսյանը, շնորհավորելով բոլորին յուրահատուկ ցուցադրության բացման կապակցությամբ, ընդգծեց, որ ցուցադրվող 19-րդ դարի տասնյակ անգուգական հայկական գորգերը, որոնք Ձեյմա Թուֆենկյանը հավաքել է տարիներ շարունակ, արտացոլում են հայկական գորգագործական լավագույն ավանդույթների բազմազանությունը:

«Այս ցուցադրությունը մշակութային ժառանգության պահպանման, ներկայացման եւ գաղափարի շուրջ համախմբման խորհուրդ է իր մեջ պարունակում: Մայր հայրենիքում մեր հանրապետության սրտում, առաջին անգամ կներկայացվի Ձեյմա Թուֆենկյանի՝ երկար տարիների աշխատանքի արդյունքը:

Արցախի, Սյունիքի, Լոռվա, Արեւմտյան Հայաստանի եւ հայկական տարբեր շրջանների տիպաբանությամբ ընտրված շուրջ 30 գորգերը, մի մասը՝ նաեւ արձա-

նագիր, հատուկ փոխադրվել են ԱՄՆ-ից այս ցուցադրության համար:

Թանգարանի շուրջ 400 քմ ցուցադրական տարածքում վերանորոգման աշխատանքների իրականացմամբ, նորարարական հայեցակարգերով եւ համադրություններով յուրահատուկ այս ցուցադրությունը շուրջ մեկ տարի բաց կլինի եւ կներկայացվի Հայաստանի պատմության թանգարանի այցելուներին»,- ասաց թանգարանի տնօրենը:

Դավիթ Պողոսյանը շնորհակալություն հայտնեց Ձեյմա Թուֆենկյանին հայկական գորգերի հրաշալի հավաքածուն կազմելու եւ Հայաստանում դրա հետ հաղորդակցման հնարավորությունը ապահովելու համար:

Հավաքածուի հեղինակ Ձեյմա Թուֆենկյանը նշեց, որ, ցավոք, ցեղասպանությունից հետո թուրքերն ու աղբյուրները

շարունակում են ջնջել հայկական հետքերը: Ըստ նրա՝ այս դեպքում էլ արել են ամեն ինչ, որպեսզի ամբողջ աշխարհում խոսվի, որ գորգերը արտադրվել են Թուրքիայում, Ադրբեջանում, Անատոլիայում, բայց ոչ երբեք՝ Հայաստանում:

«Ցեղասպանությունից հետո թուրքերի համար շատ անհարմար էր, որ տարբեր տեղերում բացահայտվում էր հայկական ժառանգությունը. գործվել են հայերի կողմից: Եվ այդ պատճառով նրանք սկսեցին ոչնչացնել նաեւ այդ ամենը՝ նույնիսկ գիտական աշխարհից ունենալով իրենց կողմից գիտնականներ, որոնք համաձայնել են վերացնել հայկական ժառանգությունը: Եվ այս ամենին հակադրվելու առաջին քայլը եղավ հայկական գորգերի այս ցուցադրության իրականացումը: Ես սկսել եմ այդ գործընթացը, բայց դա ավարտված չէ, եւ հաջորդ քայլը պետք է լինի ուսումնասիրությունը. հայկական գորգագործության տակ պետք է դնել գիտական հենք, որովհետեւ աղբյուրները ամեն տեղ խոսում են եւ փորձում են ապացուցել, որ գորգագործությունը սկսվել է Կենտրոնական Ասիայում սելջուկների կողմից, բայց կան վկայություններ, որ հայերը գործել են գորգեր դրանից դեռեւս 1000 տարի առաջ: Եվ սա առաջին քայլերից է դա աշխարհին ապացուցելու համար»,-ասաց Թուֆենկյանը:

Հիշեցնենք, որ Հայաստանի պատմության թանգարանում հայկական գորգերի յուրահատուկ ցուցադրությունը այցելուները վայելելու հնարավորություն կունենան մեկ տարի:

ՄԱՐԶԱԿԱՆ

ՄԿՋԲՈՒՆԵՔԱՅԻՆ ՀԱՆԴԻՊՈՒՄ



Հայաստանի ազգային հավաքականի եւ ռուսական «Կրասնոդար»-ի կիսապաշտպան Էդուարդ Սպերցյանն անդրադարձել է «Եվրո-2024»-ի որակավորման փուլի շրջանակներում Հայաստանի հավաքականի առաջնակա խաղերին Թուրքիայի եւ Խորվաթիայի հավաքականի դեմ:

«Ժողովուրդ» օրաթերթի փոխանցմամբ՝ Սպերցյանը Championat-ին տված հարցազրույցում ընդգծել է, որ Հայաստանի հավաքականին առաջնակայում երկու շատ բարդ խաղ է սպասվում: «Հավանաբար, դրանք ամենակարեւոր խաղերն են, որովհետեւ մենք մրցաշարային աղյուսակում երկրորդն ենք: Մենք երեք միավորով ենք զիջում Թուրքիային: Մեզ համար այս խաղը շատ սկզբունքային է եւ շատ մեծ նշանակություն ունի»,- ասել է Սպերցյանը:

«Եվրո-2024»-ի որակավորման փուլի շրջանակներում Հայաստանի հավաքականը սեպտեմբերի 8-ին մրցակցի հարկի տակ կխաղա Թուրքիայի, իսկ սեպտեմբերի 11-ին սեփական հարկի տակ կմրցի Խորվաթիայի ընտրանում հետ: Հայաստանի հավաքականը երեք խաղերից հետո վաստակել է 6 միավոր եւ զբաղեցնում է աղյուսակի երկրորդ հորիզոնականը՝ 3 միավորով զիջելով Թուրքիային, որը 4 խաղ է անցկացրել: Խորվաթիայի հավաքականը երկու խաղերում վաստակել է 4 միավոր եւ մրցաշարային աղյուսակում երրորդն է:

ԿԼՈՊԸ՝ ՄԱԼԱՔԻ ՄԱՄԻՆ

Անգլիական «Լիվերպոլի» եգիպտացի հարձակվող Մոհամեդ Սալահն այս տրանսֆերային պատուհանի ընթացքում չի տեղափոխվի Սաուդյան Արաբիա:

«Երբեք կասկածի տակ չեմ դրել Սալահի նվիրվածությունն անգլիացիներին: Չեք պատկերացնի, թե ինչ աղմուկ էր մեր շուրջն այս օրերի ընթացքում, բայց մենք շատ հանգիստ ընդունեցինք իրավիճակը: Սալահը մեր ֆուտբոլիստն է եւ ցանկանում է խաղալ այստեղ»,- Կլոպի խոսքը մեջբերում է BBC-ն:

Ավելի վաղ հայտնի էր դարձել՝ Սաուդյան Արաբիայի չեմպիոն «Ալ Իթիհադը» պատրաստ է 233 միլիոն եվրո առաջարկել անգլիական «Լիվերպոլին» Մոհամեդ Սալահի տրանսֆերի համար:

«Ալ Իթիհադը» 31-ամյա ֆուտբոլիստին առաջարկել էր տարեկան 80 միլիոն եվրո աշխատավարձով երեք տարվա պայմանագիր:

Մոհամեդ Սալահը 2017 թվականից է հանդես գալիս գերմանացի Յուվոպեն Կլոպի գլխավորած թիմում, որի հետ նրա պայմանագիրը նախատեսված է մինչեւ 2025թ. հունիս:

ՄԵԿՆԱՐԿԵՑ

ՇԱԽՄԱՏԻ ԿԱՅԾԱԿՆԱՅԻՆ ՄՐՑԱՆՇԱՐ

Երեւանում «Դոմ Մոսկվի» մոսկովյան մշակութագործարարական կենտրոնում (ՄՄԳԿ) մեկնարկել են Մոսկվայի 876-ամյակին նվիրված միջոցառումները, որի շրջանակում տեղի ունեցավ Հայաստանի ժամանակակից ակադեմիայի հեռուստատեսային 4-րդ ամենամյա մրցաշարը եւ Մոսկվայի դասնորոշյալ նվիրված ցուցահանդեսի բացումը:

«Դոմ Մոսկվի» կենտրոնից «Ժողովուրդ» օրաթերթին տեղեկացնում են, որ 150 շախմատիստներ մրցել են 13 տուրներում շրջանաձեւ մրցակարգով: Եզրափակվում էին 6 մարզիկներ, որոնք մրցեցին 8 միջազգային գրոսմայստերների հետ: Մասնակիցների թվում էր շախմատիստ, գրոսմայստեր (2017), մինչեւ 16 տարեկան պատանիների աշխարհի չեմպիոն (2016) Հայկ Մարտիրոսյանը, որը վերջերս Ալմաթիում կայացած կայծակնային շախմատի աշխարհի առաջնությունում գրավեց երրորդ տեղը եւ երկրորդ տեղը՝ Timisoara Grand Prix Rapid մրցաշարում:

«Հաճելի է մասնակցել նման մրցաշարերի: Ի վերջո, սա եւս մեկ հնարավորություն է խաղալու եւ մրցելու ընկերների հետ»,- նշեց Հայկ Մարտիրոսյանը:

«Տարեցտարի մրցաշարի անցկացման մասշտաբները մեծանում են: Արդեն 4-րդ տարին է՝ սերտ գործակցում ենք Երեւանում «Դոմ Մոսկվի» կենտրոնի հետ: Եզրափակիչ անցած մասնակիցները խաղում էին Հայաստանի ուժեղագույն շախմատիստների հետ: Ուրախ եմ, որ հնարավորություն կա անցկացնելու նման միջո-

ցառումներ, որոնց միջոցով մեծանում է հետաքրքրությունը շախմատի նկատմամբ»,- նշեց Հայաստանի շախմատի ֆեդերացիայի նախագահի առաջին տեղակալ Սմբատ Լալուսյանը:

Մրցաշարի կիսաեզրափակչում իր ուժերն է փորձել նաեւ ՀՀ-ում Բելառուսի արտակարգ եւ լիազոր դեսպան Ալեքսանդր Կոնյուկը:

«Արդեն 50 տարի շախմատ եմ խաղում, բայց ոչ այնքան պրոֆեսիոնալ, որքան այստեղ ներկա շախմատիստները: Շախմատի հանդեպ իմ սերը դեռ մանկուց է: Հայաստանը եզակի երկիր է, որտեղ ծնվում են հրաշալի շախմատիստներ», - նշեց Ալեքսանդր Կոնյուկը:

Նշենք, որ համառ պայքարում հաղթեցին Էմին Օհանյանը (1-ին տեղ), Տիգրան Պետրոսյանը (2-րդ տեղ) եւ Հայկ Մարտիրոսյանը (3-րդ տեղ): Մասնակիցները պարզեատրվել են պատվոգրերով, գավաթներով եւ մեդալներով:

«Մեծ պատիվ է, որ նման պրոֆեսիոնալները են ճանաչված վարպետները մասնակցում են մեր մրցաշարին: Փորձում ենք անել հնարավորը, որպեսզի մրցաշարի կազմակերպումը լինի բարձր մակարդակով: Հուսով ենք, որ Հայաստանի շախմատի ակադեմիայի հետ գործակցությունը կշարունակի զարգանալ, եւ տարեցտարի մեր մրցաշարի մասնակիցների թիվը կավելանա»,- նշեց Երեւանում «Դոմ Մոսկվի» կենտրոնի գլխավոր տնօրեն Վահրամ Կարապետյանը:

Հավելենք, որ մրցաշարի բոլոր մասնակիցները ծանոթացան կենտրոնում բաց-

ված ցուցահանդեսին, որը ներկայացնում է Մոսկվայի տեսարժան վայրերը: Ռուսական աշխարհագրական ընկերության հետ բացված ցուցահանդեսը ներկայացնում է քաղաքի ճարտարապետությունը, փողոցները, բնակիչների սովորություններն ու ավանդույթները, տրանսպորտային ցանցերը:

«Այսօր Մոսկվան աշխարհի ամենաարագ զարգացող մեգապոլիսներից է: Այն իրավամբ համարվում է ամենազեղեցիկ եւ հարմարավետ քաղաքներից մեկը, որն իր մոտ է տանում շատ տաղանդավոր մարդկանց: Նրանց թվում քիչ չեն հայերը, որոնք Մոսկվայի պատմության ընթացքում իրենց ներդրումն են ունեցել նրա բարգավաճման գործում: Իզուր չէ, որ մինչեւ օրս մայրաքաղաքում կարելի է տեսնել բազմաթիվ պատմական շենքեր, որոնք կառուցվել են հայերի կողմից», - ասաց Երեւանում «Դոմ Մոսկվի» կենտրոնի գլխավոր տնօրեն Վահրամ Կարապետյանը:

«Իր տեսակի մեջ եզակի ցուցահանդես է այստեղ կարելի է տեսնել, թե ինչպես է փոխվել Մոսկվան, ծանոթանալ արխիվային նյութերի: Կարծում եմ յուրաքանչյուրն իր համար նոր, հետաքրքիր փաստեր կբացահայտի Մոսկվայի մասին»,- ասաց ՀՀ-ում ՌԴ դեսպանի ատաշտ Դենիս Նազարովը:

Երեւանում «Դոմ Մոսկվի» կենտրոնը Մոսկվայի օրվան նվիրված տոնական միջոցառումներն անցկացնում է Մոսկվայի կառավարության, Մոսկվայի արտաքին տնտեսական եւ միջազգային կապերի դեպարտամենտի հովանու ներքո եւ ՀՀ-ում ՌԴ դեսպանության եւ Երեւանի քաղաքապետարանի աջակցությամբ:

● Սեպտեմբերի 9-ին Հ. Պարոնյանի անվան երաժշտական կոմեդիայի պետական թատրոնում տեղի կունենա «Կապույտ մորուքի յոթ կանայք» ներկայացումը: Տոմսերի արժեքը՝ 4000 դրամ:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ԿՐԹՈՒԹՅՈՒՆ

ՀԱՐՑ. Ի՞նչ է կասարվում աստիճանային ընդունելությունը:
Տիգրան Սահակյան (26 տարեկան)



ՊԱՏԱՍԽԱՆ. Մրցութային կարգով ասպիրանտուրա են ընդունվում մագիստրոսի կամ դիպլոմավորված մասնագետի կրթական աստիճան, իսկ բժշկական մասնագիտություններով՝ բժշկի որակավորում, կլինիկական ուղղվածությամբ բժշկական մասնագիտությունների դեպքում՝ բժիշկ-մասնագետի որակավորում ունեցողները: Ասպիրանտուրա ընդունվելու համար անձի կամ նրա լիազորած անձի կողմից դիմումը տրվում է հաստատության ղեկավարի անունով՝ կցելով բակալավրի եւ մագիստրոսի կամ դիպլոմավորված մասնագետի կամ օրինակատրոսի դիպլոմի ու դրանց հավելվածների պատճենները (օտարերկրյա պետություններում բարձրագույն կրթություն ստացածների համար՝ փաստաթուղթ նրանց կրթության համարժեքության մասին), օտար լեզու եւ ինֆորմատիկա եւ տեղեկատվահաղորդակցական հիմունքներ առարկաների ատեստավորման վկայականը կամ դրան համապատասխան տեղեկանքը (սահմանված ներքին շեմով՝ բալային գնահատմամբ), ընտրված մասնագիտությամբ հրատարակված առնվազն մեկ գիտական աշխատանքի պատճենը կամ գիտական ռեֆերատ՝ առնվազն 20 տպագրական էջի սահմաններում:

ՀՀ ԿԳՄՄՆ

«ԺՈՂՎՈՒՐԴ». Ասպիրանտուրա ընդունվելու համար անձի կամ նրա լիազորած անձի կողմից դիմումը տրվում է հաստատության ղեկավարի անունով՝ կցելով նաեւ ինքնակենսագրություն եւ երեք լուսանկար (3 x 4 չափի) եւ քաղվածք աշխատանքային գրքուկից (առկայության դեպքում):

ԿԱՐԳ

ՀԱՐՑ. Ի՞նչ ձեւերով կարող է ղեկավար գույքը սրամատրվել վարձակալության:
Լիդա Անանյան (43 տարեկան)



ՊԱՏԱՍԽԱՆ. ՀՀ կառավարության 2020 թվականի հունիսի 4-ի N 914-Ն որոշման համաձայն՝ պետական կառավարման համակարգի մարմինների տիրապետմանը եւ օգտագործմանը հանձնված (ամրացված) գույքը (բացառությամբ պաշտպանական, սահմանային, քաղաքացիական պաշտպանության ռազմարդյունաբերության, ինչպես նաեւ ազգային անվտանգության բնագավառի պետական կառավարման լիազորված մարմնի տիրապետմանը եւ օգտագործմանը հանձնված պետական գույքը, որն իր նշանակությամբ նախատեսված է գաղտնի աշխատանքների կատարման համար) տրամադրվում է վարձակալության հրապարակային սակարկություններով (մրցույթ կամ աճուրդ (նաեւ էլեկտրոնային)) կամ ուղղակի եղանակով:

ՊԵՏԱԿԱՆ ԳՈՒՅԵԻ ԿԱՌԱՎԱՐՄԱՆ ԿՈՄԻՏԵ

«ԺՈՂՎՈՒՐԴ». ՀՀ կառավարության 2020 թվականի հունիսի 4-ի նույն որոշման համաձայն՝ պետական ոչ առետուրային կազմակերպություններին, պետական մասնակցությամբ առետուրային կազմակերպություններին եւ հիմնադրամներին անհատույց օգտագործման իրավունքով տրամադրված պետական սեփականություն հանդիսացող գույքը եւս տրամադրվում է վարձակալության հրապարակային սակարկություններով (մրցույթ կամ աճուրդ (նաեւ էլեկտրոնային)) կամ ուղղակի եղանակով:

ԼՈՒՐ ԿԱԴՐ

Լուսանկարը՝ համացանցից



Հունգարիայի Սեգեդ քաղաքում 2023 թ. օգոստոսի 28-ից սեպտեմբերի 4-ը անցկացվել է Ինֆորմատիկայի միջազգային 35-րդ օլիմպիադան, որին մասնակցել է 89 երկրի 355 աշակերտ:

ՀՀ թիմից բրոնզե մեդալների են արժանացել Ա. Շահինյանի անվան ֆիզմաթ հաստակ դպրոցի աշակերտներ Ծովակ Եգորյանը ու Սամվել Աբեյանը, ինչպես նաեւ «Բվանտ» վարժարանի աշակերտ Գագիկ Գեորգյանը:

ԲԱԺՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	+ 9 + 13 +26 + 29	☾	Արարատ	+18 + 21 +32 + 34
☾	Կոտայքի լեռներ	+ 9 + 12 +26 + 29	☾	Արմավիր	+17 + 19 +32 + 34
☾	Կոտայքի նախալեռներ	+17 + 19 +27 + 29	☾	Վայոց ձորի լեռներ	+ 9 + 12 +24 + 26
☾	Գեղարքունիք	+10 + 14 +21 + 24	☾	Վայոց ձորի նախալեռներ	+18 + 21 +32 + 34
☾	Լոռի	+8 + 12 +21 + 26	☾	Սյունիքի հովիտներ	+17 + 21 +26 + 30
☾	Տավուշ	+12 + 16 +25 + 28	☾	Սյունիքի նախալեռներ	+12 + 14 +22 + 25
☾	Արագածոտնի լեռներ	+ 9 + 12 +25 + 28	☾	ԼՂՀ	+17 + 19 +26 + 30
☾	Արագածոտնի նախալեռներ	+16 + 20 +27 + 31	☾	Երեւան	+19 + 21 +32 + 34

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 4.9.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: